

Nunna Eng



Postal Regn. No. MZR - 16
e-mail : nunnaeng23@gmail.com

Rawngbawl tura chhandam

Pastor Qtr. : 2326992
Editor : 82579 02084

Volume- 42 Issue No:31 Electric Veng KTP Chanchinbu (Kar tin chhuak) Ni 31.08.2025 (Pathianni)



Kohhran Ni Pawimawh Ramthar Ni

Inkhawm Thawhlawm

August ni 24
(Pathianni) inkhawm
thawhlawm:

Puitling - ₹40,310/-
Naupang - ₹20,420/-
Zan - ₹23,660/-

Buhfaitham

August ni 25
(Thawhtanni) zing buhfai-
tham 2970 kgs hralhna
atāngin ₹32,670/- hmuh a ni.

Nilaini Zan

August ni 27
(Nilaini) zan inkhawmah
thunun pakhat l leh thunun
lakluh pakhat an awm.

Kohhran Committee

August ni 29
(Zirtawpni) zan khan
Kohhran Committee
Room 1-ah thu pawimawh
ngaihtuahin an thukhawm.

Synod Telephone

Directory

August ni 26
(Thawhlehi) chawhma dar
10 khan Synod Office De-
votion Hall-ah Synod Tele-
phone Directory 2025 chu
Rev. Dr. Rosiamliana
Tochhawng, Executive Sec-
retary-in a tlangzarh.

Synod Relief Fund

Tun hnaia harsatna
hrang hrang tawkte hnenah
Synod Relief Fund atāngin
chhawmdawlna ₹50,000/-
pek a ni.

Kohhran Zaipawl

Zanin inkhawmah
Kohhran zaipawlten hla
kan rem dawn a. Member-
te a tam thei ang ber hla
rem turin kan insawm e.

Zanin inkhawm
banah Kohhran Zaipawlten
Kohhran Hall-ah hla zir
tur a ni.

August 31 (Pathianni) hi Kohhran ni pawimawh 'Ramthar Ni' a ni a,
Mizorama Presbyterian Kohhran rawn dintu Rev. David Evan Jones (Zosaphluia)
Mizorama rawngbawl tura a lo thlen ni a nih vangin Mizoram Presbyterian Kohhran
tan ni pawimawh bik a ni. Kum 1972 Mizoram Synod Inkhawmpui chuan, Synod
Ramthar Board-in, 'August 31, Pu Zosaphluia Mizorama a lo thlen ni hi Synod
Ramthar Ni atan hman ni se,' tia a rawtna chu pawmin kum 1973 atāng khan August
31 chu Ramthar Ni atan hman tan a lo ni ta a ni.

Kum 2025 hi Pu Zosaphluia'n
Mizoram a rawn luh champha kum 128-
na a lo ni ta a. Ramthar Ni kum 52 kan
hmanna tur a lo ni reng mai. Mizoram
Presbyterian Kohhran chuan kumin
Ramthar Ni pual hian tum khat inkhawm
atan programme a siam a, thupui inang
tlang 'Pain kei mi tir ang bawkin ka tih
che u hi' tih chu zir ho a ni ang. Kan
Kohhran pawhin Ramthar Ni hi zan

inkhawmah kan hman dawn a, Kohhran
mipui a tam thei ang ber inkhawm turin
kan insawm e.

Hun Hman Dan Tur

Hruaitu	: Upa R. Ramngaihzuale
Thupui	: Pain kei mi tir ang bawkin ka tirh che u hi
Chhiar tur	: Marka 16:14-15; Johana 20:21-23
Thusawitu	: Rev. H.L. Thianghlima
Zaipawl	: Kohhran Zaipawl

Beihrual 2025 Hman Tan A Ni Dawn

Kumin hi Beihrual vawi 107 kan hmanna tur a ni a. Beihrual hman tih lam
chuan January thlaah te, April thlaah te hman a ni thin a; kum 1925 atāng chuan
kum tin September thlaah zel hman a ni ta a ni.

Beihrual hi a tirah chuan Krista hnena ringlote hruaina beihpui thlak nan
hman a ni thin a. Kristian ram tia chhal theih kan lo nih tak chhinah erawh chuan
ringtute intihchak tawn nan, Kohhran sawh ngheh nan leh intihharh nan te hman a
ni ta ber a ni. Chawlhkar hmasa ber hi Ramthar Hapta atan hman a ni a, chawlhkar
hnunung ber chu Kristian Chhungkaw Hapta atan hman thin a ni.

Beihrual chhung hian Ramthar Hapta leh Kristian Chhungkaw Hapta bakah
Kohhran inpumkhatna chungchang kan zir dawn a ni.

Beihrual Programme

1.09.2025 (Thawhtanni) zan

Thupui : Chanchin Tha-Pathian
thilthitheihna
Hruaitu : Pastor Zothansanga
Tantu : Pi K. Zoramsiami, B-1C
Chhiar tur : Rom 1:16-17
Thupui hawngtu : Pu Lalchhuanmawia, B-5B

2.09.2025 (Thawhlehi) zan

Thupui : Kohhran - Chanchin Tha
neitu leh hriltu
Hruaitu : Upa F. Lallura
Tantu : Pi Lalrinpuia, B-5A
Chhiar tur : Matthaia 16:13-20
Thupui hawngtu : Tv. R. Lalhunsangzuale, B-7

3.09.2025 (Nilaini) zan

Thupui : Mission hi Pathian ta a ni
Hruaitu : Upa Laldinpuia
Tantu : Pu J.H. Lalhriatpuia, B-3A
Chhiar tur : Johana 3:14-21; I Korinth 3:9
Thupui hawngtu : NI. Lalremsangi, B-2

4.09.2025 (Ningani) zan

Thupui : India rama chanchin tha hril
harsatna
Hruaitu : Upa Hmingthanga
Tantu : Pu Vanlalhriata Ralte, B-1B
Chhiar tur : Luka 21:10-19
Thupui hawngtu : Evan Zothanmawia, B-3A

5.09.2025 (Zirtawpni) zan

Thupui : Chanchin Tha hril hi kohhran
mawhpurhna a ni
Hruaitu : Upa H. Lalrammawia
Tantu : Pu Thantluanga, B-3A
Chhiar tur : 2 Timothea 4:1-5
Thupui hawngtu : NI. Lalfakawmi Fanai, B-7

6.09.2025 (Inrinni) zan

Thupui : Chanchin Tha-Engkim siam thama
Hruaitu : Rev. K.C. Vanlalduha
Tantu : Pi Lalhnemi, B-7
Chhiar tur : Thupuan 21:1-5
Thupui hawngtu : Pu H. Lalawmpuia, B-1B

EDITORIAL BOARD

Editor

F. Lalnunpuii

Jt. Editors

Laltlanzova Chawngthu

Lalrozama Ralte

Vanzarmawii

Zomuansangi

News Editors

Lalchhanchhuaha

Eddie Lalmuanpuia

Lalngaihawma

Lalmalsawmi

K. Lalrempuii

Treasurer

Computer Operators

R. Lalbuatsaiha

Laldinpuia

H.V. L. Malsawma

Kenneth Zonunmawia

Lalremmawii Khiantge

Lalngaihawmi

Cir. Managers

Vanlalchhuantea

V. Lawmsangzuala

Vanneihtluanga

Zomuani Ralte

Editorial

Nun Thianghlimin Hlimna A Dal Lo

Bible-ah Pathian chu a Thianghlim a, amah anga thianghlim an awm lo tih kan hmu a. A mite pawh an thianghlim tur a ni tih kan hmu bawh. Pathian a thianghlim tia kan sawi hian, Pathian chu thilsiam dang zawng zawng lakah a hrang a, a chungnung ber tihna a ni a, sual lakah a hrang a, a tha famkim tihna a ni bawh. Sual a hua a, a mite pawh sual laka inthlahrung turin a phut a ni.

Hmanlai atanga sualin mi a bumna pakhat chu nun thianghlim nei tur chuan thil nuam leh hlimawm kalsan zel a ngai tih hi a ni awm e. Mi thenkhat chuan Kohhran duh loh zawng thilte hi hlimna emaw tiin, Kohhran duh dan anga an nun chuan hlim dawn lovin an inhre tlat a. Hei hi thudik letling thawk a ni. Sual hmanga hlimna zawn chu ruihhlo hman ang a ni a, nun a tichawlawl a, a rei hnuah phei chuan hlimna hre thei lovin mi a siam zawk thin a ni

Nun thianghlim chuan hriatna a tifim tial tial a, thil tha leh tha lo te, hlimna tlo leh tlo lo te thliar thiam turin mi a tifing thin. Sam ziaktu chuan "Pathian hnenah chuan hlima khah liamna a awm a, kumkhaw lawmna a awm bawh a ni a ti." (Sam 16: 11)

ZING TAWNGTAI INKHAWM HRUAITU

Ni 01.09.2025 (Thawhtanni)

Hruaitu : Pi P.C. Lalrindiki

Ni 02.09.2025 (Thawhlejni)

Hruaitu : Upa Zohmingliana

Ni 03.09.2025 (Nilaini)

Hruaitu : Pi Vanlalveni

Ni 04.09.2025 (Ningani)

Hruaitu : Pu Vanlalsawma

Ni 05.09.2025 (Zirtawpni)

Hruaitu : Pi Zirkimi

Ni 06.09.2025 (Inrinini)

Hruaitu : Pu Lalhuliana Hlondo

Ni 07.09.2025 (Pathianni)

Hruaitu : Pi Sangkhumi



Branch News



August ni 25 (Thawhtanni) zan group inkhawm dan

GROUP	Member zawng zawng	Dar 6:45-a thu hman
Branch Committee	27	12
Matthaia Group	43	6
Marka Group	45	13
Luka Group	42	8
Johana Group	34	5
Chhimtu	2	
Inkhawm zawng zawng		166
Thawhlawm		₹5,950



August ni 24 (Pathianni) zan group hla zir dan

GROUP	Group OB	Group Committee	Member zawng zawng
Branch Committee	26		
Matthaia Group	4	21	27
Marka Group	5	24	27
Luka Group	4	19	28
Johana Group	6	13	16
Hla zir zawng zawng			98



August ni 28 (Ningani) zanah Sarep zawrh hnatlang neih a ni a, Kohhran chhungkua min leisak tu zawng zawngte chungah lawmthu kan sawi e.



Kohhran inkhawm leh Kohhran zaipawl hla zir kawngah tan la thar a, thahnemngai leh zual turin kan insawm e.

Group News

Matthaia Group

Member-te inkhawm ngaipawimawh zel turin an inngen a, Kohhran zaipawl rawngbawlnaah pawh a tam thei ang ber tel zel turin an insawm.

Marka Group

Group member-te Kohhran inkhawm leh Kohhran zaipawl hla zirah thahnemngai taka tel turin an insawm.

Luka Group

Kohhran zaipawl hla zirna a tel theuh turin an insawm e.

Kohhran leh KTP inkhawm kal hma lama tan la zual a, inkhawm ngaipawimawh deuh deuh turin member-te an insawm e.

Johana Group

Kohhran zaipawl hla zirnaah a tam thei ang ber tel zel turin an insawm.

Kohhran leh KTP inkhawm kal hma lama tan la zel turin an insawm.

Lay Leaders' Training

Synod Multipurpose Training Centre (SMTC) buatsaih Lay Leaders' Training vawi 234-na chu August 25, 2025 (Thawhtanni) zan khan SMTC-ah hawnna inkhawm neih a ni.

Training hawnna inkhawm hi Rev. H. Lalmuanchhana, Director-in a kaihruai a, inlawmna leh report te ngaihlak a nih hnuah Rev. Lalnunmawia Pachuau, Mission Vengthlang Bialtuin training hawngin thuchah a sawi a, he hunah hian Tv. Lalramchhana, Mission Veng a zai bawh. Tun tum training-ah hian Presbytery 12- Aizawl Chhimthlang, Aizawl East, Chhimpei, Chhimthlang, Hmarpei, Hmarthlang, Kolasib, Ramlai, Tuichangral North, Tuirini, Tuivawl leh Tawi Presbytery atangan Kohhran Upa 45 an tel a ni.

❖ Isua Krista Rinna leh Amah anna kawnga thalaite hruai

❖ Kohhran Hnathawh tihpuitlin



❖ Kohhran Kutke ni tura thalaite buatsaih

❖ Krista Chanchintha puan darh

Literature Night Puala Article Inziahsiaik Kristian Thalaite Leh Rilru Nguina

Ziaktu : Dr. Vanzarmawii, Marka Group

Mihring nuna hun harsa ber lai ni a mithiamte sawi chu kum 18 atanga kum 40 inkar hi a ni a. He hun hi mihring nun remfel hun, rilru lama harsatna tam tak tawh hunlai a ni. Hnathawk tura rilru insiam fel lai leh hnathawh tur thlan lai, nupui pasal neih, chhungkaw din leh sum leh pai lama mawhpurhna lak hunlai tak a ni baw. Nu leh pa leh khawtlang beiseina anga nun hmang tura nawrna a nasat lai ber anih baw avangin rilru lamin a tuar hle a, zirchianna pawhin thalaite hi rilru harsatna taw tam ber an ni a ti nghe nghe. He hun hmang chho mek Kristian Thalaite hian rilru harsatna kan tawhin engtin kan hmachhawn ang le?

Bible-a zawlnei ropui Elija kha Jezebeli hlauva a tlanchhiat khan Juniper thing hnuaiah thuin thih a duh hial! (I Lalte 19:4) Mosia meuh pawh kha Pathian hnena thih dil khawpin a beidawng ve asin! (Numbers 11:14,15) Bible-a Thuhrltu pawh hian nun ho a tih thu te, a beidawn thu te, a lungngaih thu te bung hrang hrangah kan hmu nasa hle. Lal Isua ngei pawh man tira a awm dawn khan a lungngai a, a mangang em em a, a zirtirte venpui turin a sawm kha (Matthaia 26:37). Heng atangte hian Pathian mi hman, mi ropui tak takte pawh rilru nguina hian a kal kan bik lohzia chiang takin kan hmu. Amaherawhchu Pathianin a kalsan lo a, Elija chu hahchawlhna a pe a, Mosia pawh amah tanpuitu tur hruaitu sawmsarih lai a pe asin! An hun harsa Lalpan a hriatpui a, hawisan lovin hmangaihna a kuangkua zawk.

Khawvel hi mithiamte chuan darkar khata mel sangkhata chakin a vir niin an sawi. Hei ai hian a vir chak emaw a vir muang emaw anih chuan nasa takin boruak hian a tuar dawn a; a vir tawp phei chuan khawvel zawng zawng hi a chhe vek ang! Tin, khawvelin ni a helna kalkawng hi chhete pawha a inthlak hlek chuan khawvel sik leh sa a inthlak danglam ang a, chen theih loh khawpin a awm ang. Mihringte chen theihna

turin Pathian hian uluk takin engkim a siam tih a lang chiang ngei mai! Ti khawpa uluka khawvel siamtu hian ama anpui ngeia a siam mihringte phei chu min va siam ulukin, min va ngaihtuah dawn tehreng em! Khawvel vir dan leh ni a helna kawng chhunhan khat pawha tisual ve ngailo Pathian hian kan kawngte hi min chhut sak ang a, kan ke pen leh kan ngaihtuahna zawng zawng hi min hriatsak tih a chiang ngei mai.

Kristian Thalai, rilru nguina a kuai kun che a, chhum chhah tak angin a bawh buai che maw? Rilru nain i rum vawng vawng a, nun i thlahlel lo maw? Zam mai lo la, beidawng hek suh! A mi ropuite ngei pawh kal kan lotu natna avang hian insitin, inkiltawih suh. Dam chhan nei tawh lova inhriain chawlhna i zawng maw? I hrehawmna chiang taka hretu lam en la, i harsatna a hnenah thlen la, chawlh hahdamna a pe ang che. Chhan neiin a siam che tih theihngihlil ngai suh. A kawr hmawr chauh pawh a dehin damna a chang ang tih ring tlattu hmeichhe thiput rinna kha lo vuan ve ta che. Tichuan, ropui Pathian i nunah ropuina pe la, a ti dam leh ngei ang che!

"I hmahruaitu chu Lalpa a ni ang a, i hnenah a awm zel ang a, a tithlawn lo vang chia, kal pawh a kalsan tawp lo vang che; hlau suh la, zam hek suh." Deuteronomy 31:8

Buhfaitham Chungchanga Tan Lak Dan Tur

Kan hriat tlan angin Central Committee, Mizoram Presbyterian Kohhran Hmeichhe Inkhawmpui Lian chuan ni 13.12.2024-ah inkaihhraina thar a tichhuak a. Chu kan Inkaihhraina Bu thara 'Buhfaitham' chungchanga inkaihhraina Appendix VI.2-in a tar lan angin - Buhfaitham inchhiar dan chungchanga Central Kohhran Hmeichhe inzirtir mekna chu, "Buhfaitham bel neia chaw chhum dawn apianga tham thinte chu Buhfaitham tham chhiar tur an ni" tih a ni. Hetiang hian chhungkaw tinte buhfaitham bel nei a, chaw chhum dawn apianga buhfaitham tham tura thahnemngai taka inzirtir chhunzawm turin Bial leh kohhran tinte, Central Committee chuan a ngen thar leh a ni.

Chutih rual chuan, "Khawsak phung avanga buhfai ngei pe remchang ngang loten pawisa an lo pek pawh thamah chhiar tur a ni," tih appendix VI.2 Inkaihhraina (2024)-ah a chuang a. Buhfaia pe remchang ngang lo- chenna hmun inkar hlat tak te, engtik lai maha buhfai ei ngai reng reng lo te chuan a buhfaiin an pe remchang lo pawh a ni thei e. Chutianga rokhawlhna leh remchan lohna bik nei chuang lote pawhin, a awlsam zawk e tih avanga a pawisaa lo khawn ta mai kan awm nual niin a lang a.

Hemi chungchangah hian, loh theih lohna avanga tham remchang ngang lote tih loh chuan, a pawisaa thawh lo tur leh a khawntute pawhin khawn lo hram turin kan inngen ani.

A pawisaa kan lo thawh mai hian-

1. Ni tin zing leh tlaia chhungkuaten thilpeka Pathian kan pawlna a bo dawn.

2. Kohhran tina buhfaitham khawntuten rawngbawlna hna an thawh hi a chawl dawn a ni.

3. Mizote tan khawvel hmun danga mitena an tih ve theih loh rawngbawlna, a bika Lalpa min pek hi, a pawisaa kan khawn chuan Buhfaitham a nihna hlu tak hi a bo mai dawn a ni.

Chutichuan, chhan tha tak avanga buhfai pe remchang ngang lo kan nih loh chuan, a pawisaa pe lo tur leh a khawntute pawhin khawn lo turin kan inngen thar leh a ni e. Tin, hemi chungchang hi Bialah leh

(Chhunzawmna phek 4-naah)

Thil tha ti atan Krista Isuaah chuan siama awmin ama kutchhuak kan ni si a; chu thil tha tih chu kan awmna turin Pathianin a buatsaih lawk a ni. (Ephesi 2:10)

Kohhran Hunruatna

Sunday School

Zirlai 31-na : Kohhran hmasa lo fimkhur thinnate
Chawhnu
Tantu : Pu P.C. Laldawngliana
Thuhriltu : Upa Zokunga

Zan

Ramthar Ni Special Programme

Nilaini Zan

Beihruai Programme

Inrinni Zan

Beihruai Programme

CNI Inkhawm Programme

Department theuh ah chang zir tur a ni.

CYS Inkhawm Programme

Department theuh ah chang zir tur a ni.

Kohhran Hmeichhe Inkhawm Programme

Thawhlehi Zan Inkhawm

Beihruai a nih avangin inkhawm a hranin a awm lo vang.

KTP Inkhawm Programme

Tawngtai Inkhawm

Hruaitu : Tv. Vansangzuala, Johana
Tantu : NI. Lalchhanhimi, Luka
Thlengtu : Branch

Thawhtanni Zan Inkhawm

Beihruai hawn zan

Masihi Sangati Inkhawm Programme

Sunday School

Zirlai 30-na : Ida Scudder-i
Zirlai 31-na : Richard Wurmbbrand-a

Thawhlehi Zan Inkhawm

Beihruai a nih avangin inkhawm a hranin a awm lo vang.

KPP Inkhawm Programme

Tawngtai Inkhawm

Hruaitu : Pu P.C. Pachhunga, Gr-III

Thawhtanni zan inkhawm

Beihruai hawn zan

.....
(Buhfaiham chungchang chhunzawmna)

Kohhranah uar taka inzirtir thar leh ni se tiin kan inngen a ni.

Tin, kum kal ta, 2024-2025-a buhfaiham kan budget chu ₹22,70,00,000/- niin ₹21,97,22,943/- hmuh a ni a. Chuti alo nih chuan ₹72,77,057/- lain budget kan phal lova, tan lak a ngai hle mai. Tangka kum kal mek, 2025-26 a buhfaiham budget chu ₹25,00,00,000/- a ni a. Theihtawpin, tlin ngei tura tan la zel turin kan inngen baw a ni.

Sd/-

(H. VANLALRUATI)
General Secretary

NUNA HARSATNA NEITE TAN

Church Counsellor	-9436374339
KTP Evangelism Chairman	-9862376339
KTP Evangelism Secretary	-9862876300

Naupang Sunday School Hunruatna

Pre Beginner Department

Tantu : Pi Lalthansangi
Thilpek : Austin Zochhuanmawia Sailo,
lakhawmtute Lalrintluangi Ralte,
Joshua Ruatzela Renthlei

Beginner Department

Zirlai 31-na : Tawngtheilo tiham
Tantu : NI. Lalngaihawmi
Thilpek : Innocent Vanlalhratpuia,
lakhawmtute Hmingthanzuala, Ngurchhuana Sailo,
Lalhriathlua Chawngthu
Khaikhawmtu : Tv. Malsawmdawngliana

Primary Department

Zirlai 31-na : Sakeibaknei pukah Daniela
Tantu : Malsawmtluangi
Thilpek : Malsawmhlua, Andrew Laltlankima,
lakhawmtute Lalnuntluanga,
Gabriel Lalchhanchhuaha
Khaikhawmtu : NI. Lalrinkimi Sailo

Junior Department

Zirlai 31-na : Hudson Taylor-a
Tantu : Nathan Dintluanga
Thilpek : Lalruatsangi, Delicia Remsangpuui,
lakhawmtute Vanrammawii Khawlhing, Lalruatfeli
Khaikhawmtu : Tv. Lalruatkima Sailo

Inter & Sacrament Department

Tantu : Lalsangliani (Inter Dept)
Thilpek : Daniel Lalnunpuia, Victor Lalhriatzuala,
lakhawmtute Huril Moni Halam (Sacrament Dept)

Senior Department

Zirlai 31-na : Rinawmna rah - Zahawmna
Tantu : Esther Lalchawimawii
Thilpek : K. Malsawmkima, Malsawmzuala
lakhawmtute Isaac Lalremruata, K. Malsawmzuala
Khaikhawmtu : NI. C. Lalramliani

September Thla Kohhran Chanvo Inruatna (Ni 1-15)

Ushers

- 1 Upa R. Ramngaihzuola, Covener
2. Tv. Lallianmawia, Leader
3. Tv. Lalruatkima Sailo
4. Tv. Lalrinawma, B-1
5. Tv. Lalrodika
6. Tv. Vanneihthuanga
7. NI. F. Lalnunpuui
8. NI. Lalremmawii Khiangte
9. NI. Lalsangpuui
10. NI. Vanlalruatmawii
11. NI. Lalngaihawmi, B-4C

Ushers (Sunday School)

1. Pu Lalchhuanmawia, Leader
2. Pu Lalthanliana
3. Pu Lalnunkima Sailo
4. Pu K. Lalchhuanthanga
5. Pu Malsawmdawngliana

Zai hruaitu turte

Tv. B. Lalrimawia & Pu C. Lalhmingliana (Khuang)
Tv. C. Lalduhawma (Pianist)
Pi Rosangliani (Hla hriltu)

Zai hruaitu turte (Sunday School)

Pu T. Vanlalchawia & Pu C. Lalrotluanga (Khuang)
Pu R. Lalthanliana (Pianist)
Pi Vanlalliani (Hla hriltu)

Sound Duty turte

Tv. P. Lalthasanga (Church Technician)
Pu Lalchhanhima Pachuau
Pu Lalduhuia Sailo (Sunday School)